

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

1446

Bosna i Hercegovina Federacija Bosne i Hercegovine Kanton Sarajevo		
22-04-2026		
Organizaciona jedinica	Redni broj	Priloga
04	45	7593-90

n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo i JU Dom zdravlja Kantona Sarajevo

PREDMET: Izmjena sistematizacije, plan zapošljavanja i organizacija rada u JU Dom zdravlja Kantona Sarajevo

Poštovani,

U cilju potpunog sagledavanja planiranih organizacionih promjena, upravljanja ljudskim resursima i efikasnosti pružanja zdravstvene zaštite, a u skladu sa Poslovníkom Skupštine Kantona Sarajevo, upućujem sljedeća zastupnička pitanja:

I. SISTEMATIZACIJA RADNIH MJESTA

1. U kojem obliku se priprema izmjena sistematizacije radnih mjesta u JU Dom zdravlja Kantona Sarajevo.
2. Koliko je novih radnih mjesta predviđeno izmjenama sistematizacije.
3. Koliko se od ukupnog broja novih radnih mjesta odnosi na medicinsko osoblje (ljekari, zdravstveni radnici), a koliko na administrativno i nemedicinsko osoblje.
4. Koji su kriteriji i potrebe na osnovu kojih se vrši proširenje sistematizacije.

II. PLAN ZAPOŠLJAVANJA

1. Koliko je ukupno planirano novih zapošljavanja u JU Dom zdravlja Kantona Sarajevo u narednom periodu.
2. Na koja konkretna radna mjesta se odnose planirana zapošljavanja.
3. Da li postoji usvojeni plan zapošljavanja i ko ga je odobrio.
4. Na osnovu kojih analiza potreba i opterećenja sistema je izrađen plan zapošljavanja.

III. VOZNI PARK I RADNO MJESTO VOZAČ

1. Koliko zaposlenih radnika je trenutno raspoređeno na radno mjesto vozača u JU Dom zdravlja Kantona Sarajevo.
2. Koliko vozila posjeduje JU Dom zdravlja Kantona Sarajevo.
3. Taksativan pregled voznog parka, uključujući: vrstu vozila, tip/model, godinu proizvodnje/starost vozila, namjenu (sanitetska vozila, službena vozila i sl.).
4. Na koji način se upravlja i raspoređuje korištenje vozila.

IV. ORGANIZACIJA KUĆNIH POSJETA

1. Da li su formirani timovi za kućne posjete na području Kantona Sarajevo.
2. Ukoliko jesu, koliko timova trenutno djeluje.
3. Kako su timovi teritorijalno raspoređeni.
4. Da li su timovi u punoj funkciji i da li kontinuirano pružaju usluge.

5. Koliki je prosječan broj dnevnih kućnih posjeta ukupno na nivou Kantona Sarajevo.
6. Koliki je prosječan broj kućnih posjeta po timu.

V. KUĆNE POSJETE ZA RVI I CIVILNE ŽRTVE RATA

1. Na koji način je organizovana usluga kućnih posjeta za ratne vojne invalide (RVI) i civilne žrtve rata na području Kantona Sarajevo.
2. Koliki je ukupan broj korisnika ove usluge iz kategorije RVI i civilnih žrtava rata.
3. Koliki je broj kućnih posjeta za ove kategorije na dnevnom, sedmičnom i mjesečnom nivou: pojedinačno po svakom domu zdravlja i zbirno na nivou Kantona Sarajevo.
4. Kako su timovi raspoređeni u odnosu na potrebe ove populacije i da li postoji prioritetni tretman.
5. Koje su konkretne mjere poduzete kako bi se osigurala dostupnost i kontinuitet ove usluge za najugroženije kategorije stanovništva.
6. Da li postoje liste čekanja ili kašnjenja u pružanju ove usluge i koliko iznose.

ZAKLJUČAK

Organizacija rada, planiranje kadrova i efikasno korištenje resursa u JU Dom zdravlja Kantona Sarajevo predstavljaju ključne elemente funkcionisanja primarne zdravstvene zaštite.

Izmjene sistematizacije i planirana zapošljavanja moraju biti zasnovani na stvarnim potrebama sistema, a ne administrativnim ili drugim interesima, dok organizacija terenskog rada, uključujući kućne posjete, mora biti usmjerena na dostupnost i kvalitet zdravstvene usluge građanima, posebno najugroženijim kategorijama kao što su ratni vojni invalidi i civilne žrtve rata.

Očekujem da nadležne institucije dostave jasan, precizan i dokumentovan odgovor, uz sve relevantne podatke i analize na osnovu kojih su donesene odluke.

S poštovanjem,

Sebija Izetbegović
Zastupnica u Skupštini Kantona Sarajevo

